

PWYLLGOR TRWYDDEDU

Dydd Mercher, 22 Mehefin 2016

YN BRESENNOL: Y Cynghorydd T. Theophilus (Cadeirydd)

Y Cynghorwyr:

J.M. Charles, A. Davies, P.M. Edwards, J.K. Howell, I.J. Jackson, H.I. Jones,
P.E.M. Jones, J. Thomas, M.K. Thomas a/ac D.E. Williams

Roedd y swyddogion canlynol yn bresennol yn y cyfarfod:

S. Watts, Rheolwr Gwasanaethau Iechyd y Cyhoedd;
R. Edgecombe, Rheolwr y Gwasanaethau Cyfreithiol;
J. Power, Uwch-swyddog Trwyddedu;
P. Booth, Swyddog Trwyddedu;
M.S. Davies, Swyddog Gwasanaethau Democrataidd.

Hefyd yn bresennol fel sylwedyddion:

N. James a J. Evans - Ysgol Uwchradd y Frenhines Elisabeth.

Y Siambr, Neuadd y Sir, Caerfyrddin 10.00am - 11.30am

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr T. Bowen, R. Llewellyn a J.S. Williams.

2. DATGANIADAU O FUDDIANNAU PERSONOL

Ni chafwyd dim datganiadau o fuddiant personol.

3. CAIS I ADNEWYDDU TRWYDDED YRRU DDEUOL CERBYD HACNAI/HURIO PREIFAT - MRS JOSEPHINE MARY IBLE

Dywedwyd bod cais wedi dod i law gan Mrs Josephine Mary Ible, Geulanfelen, Pentre-cwrt, Llandysul, am adnewyddu ei thrwydded yrru ddeuol ar gyfer cerbyd hacnai/hurio preifat. Rhoddwyd gwybod i'r Pwyllgor fod Mrs Ible yn 70 oed, a bod Amod 25 o Amodau'r Cyngor mewn perthynas â Thrwyddedau Gyrru Deuol ar gyfer Cerbydau Hacnai/Hurio Preifat yn datgan "Mae'n rhaid i'r gyrrwr fod yn un ar hugain oed o leiaf ac mae'n rhaid iddo/iddi beidio â bod yn hŷn na saith deg oed".

Roedd Mrs Ible, nad oedd yn bresennol yn y cyfarfod, wedi cyflwyno tystysgrif feddygol oedd yn cadarnhau ei bod yn iach i yrru Cerbyd Hacnai/Hurio Preifat.

Yna bu i'r Pwyllgor

BENDERFYNU'N UNFRYFOL, yn absenoldeb Mrs Ible, fod swyddogion yn cael eu hawdurdodi i benderfynu ynghylch y cais o dan yr awdurdod dirprwyedig y cyfeirir ato yng nghofnod 9 isod.

4. CAIS I ADNEWYDDU TRWYDDED YRRU DDEUOL CERBYD HACNAI/HURIO PREIFAT - MRS JANINE ORAM

Bu'r Pwyllgor yn ystyried cais gan Mrs Janine Oram, Kennel Cottage, Kings Lodge, Llandeilo am adnewyddu ei Thrwydded Yrru Ddeuol ar gyfer Cerbyd Hacnai/Hurio Preifat. Bu'r Pwyllgor yn cyfweld â Mrs Oram ynghylch ei chais.

Argymhellodd Rheolwr Gwasanaethau Iechyd y Cyhoedd fod y cais yn cael ei ganiatáu a bod Mrs Oram yn cael rhybudd ynghylch ei hymddygiad yn y dyfodol.

Yna bu i'r Pwyllgor

BENDERFYNU’N UNFRYDOL, yn unol â chanllawiau'r Cyngor, ganiatáu cais Mrs Janine Oram am adnewyddu ei Thrwydded Yrru Ddeuol ar gyfer Cerbyd Hacnai/Hurio Preifat a rhoi rhybudd iddi ynghylch ei hymddygiad yn y dyfodol.

5. CAIS I ADNEWYDDU TRWYDDED YRRU DDEUOL CERBYD HACNAI/HURIO PREIFAT - MR LEE JENKINS

Bu'r Pwyllgor yn ystyried cais gan Mr Lee Jenkins o 89 Stryd Iago, Llanelli, am adnewyddu ei Drwydded Yrru Ddeuol ar gyfer Cerbyd Hacnai/Hurio Preifat. Bu'r Pwyllgor yn cyfweld â Mr Jenkins ynghylch ei gais.

Argymhellodd Rheolwr Gwasanaethau Iechyd y Cyhoedd fod y cais yn cael ei ganiatáu a bod Mr. Jenkins yn cael rhybudd ynghylch ei ymddygiad yn y dyfodol.

Yna bu i'r Pwyllgor

BENDERFYNU’N UNFRYDOL, yn unol â chanllawiau'r Cyngor, ganiatáu cais Mr Lee Jenkins am adnewyddu ei Drwydded Yrru Ddeuol ar gyfer Cerbyd Hacnai/Hurio Preifat a'i fod yn cael rhybudd ynghylch ei ymddygiad yn y dyfodol.

6. CAIS AM DRWYDDED YRRU DDEUOL CERBYD HACNAI/HURIO PREIFAT - MR DEREK BURT

Bu'r Pwyllgor yn ystyried cais gan Mr Derek Burt, 14 Hengall Uchaf, Ceinewydd, Ceredigion am Drwydded Yrru Ddeuol ar gyfer Cerbyd Hacnai/Hurio Preifat.

Bu'r Pwyllgor yn cyfweld â Mr Burt ynghylch ei gais.

Argymhellodd Rheolwr Gwasanaethau Iechyd y Cyhoedd fod y cais yn cael ei ganiatáu a bod Mr Burt yn cael rhybudd ynghylch ei ymddygiad yn y dyfodol.

PENDERFYNWYD, yn unol â chanllawiau'r Cyngor, ganiatáu cais Mr Derek Burt am Drwydded Yrru Ddeuol ar gyfer Cerbyd Hacnai/Hurio Preifat a rhoi rhybudd iddo ynghylch ei ymddygiad yn y dyfodol.

7. CAIS I ADNEWYDDU TRWYDDED YRRU DDEUOL CERBYD HACNAI/HURIO PREIFAT - MR DANIEL DAVID RICHARDS

Bu'r Pwyllgor yn ystyried cais gan Mr Daniel David Richards o Swn-y-Coed, 3 Llanmiloe Bach, Llanmilo, Caerfyrddin am adnewyddu ei Drwydded Yrru Ddeuol ar gyfer Cerbyd Hacnai/Hurio Preifat. Bu'r Pwyllgor yn cyfweld â Mr Richards ynghylch ei gais.

Argymhellodd Rheolwr Gwasanaethau Iechyd y Cyhoedd fod y cais yn cael ei ganiatáu a bod Mr Richards yn cael rhybudd terfynol ynghylch ei ymddygiad yn y dyfodol.

Yna bu i'r Pwyllgor

BENDERFYNU cynnal sesiwn preifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD YN UNFRYDOL, yn unol â chanllawiau'r Cyngor, ganiatáu cais Mr Daniel David Richards am Drwydded Yrru Ddeuol ar gyfer Cerbyd Hacnai/Hurio Preifat a rhoi rhybudd iddo ynghylch ei ymddygiad yn y dyfodol.

Y Rhesymau

Ar ôl ystyried y dystiolaeth a gyflwynwyd, roedd y Pwyllgor yn fodlon bod yr ymgeisydd yn rhywun addas a phriodol i feddu ar drwydded.

8. TRWYDDED YRRU DDEUOL CERBYD HACNAI/HURIO PREIFAT - MR PETER TERENCE MCSWEENEY

Rhodddwyd gwybod i'r Pwyllgor fod yr Awdurdod wedi rhoi Trwydded Yrru Ddeuol ar gyfer Cerbyd Hacnai/Hurio Preifat i Mr Peter Terence McSweeney, Morfa House, Blaenffos, Boncath a bod mater wedi codi ynghylch ei drwydded. Bu'r Pwyllgor yn cyfweid â Mr McSweeney ynghylch y mater hwnnw a chafodd sylwadau gan gynrychiolydd yr heddlu. Hefyd cafodd y Pwyllgor eirida gan gyflogwr presennol Mr McSweeney.

Argymhellodd Rheolwr Gwasanaethau Iechyd y Cyhoedd fod cais Mr McSweeney yn cael ei ddirymu.

Yna bu i'r Pwyllgor:

BENDERFYNU cynnal sesiwn preifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD, yn unol â darpariaethau Adran 61(1) o Ddeddf Llywodraeth Leol (Darpariaethau Amrywiol) 1976, fod Trwydded Yrru Ddeuol Mr Peter Terence McSweeney ar gyfer Cerbyd Hacnai/Hurio Preifat hacnai yn cael ei hatal am 14 diwrnod.

Y Rhesymau:

Roedd y Pwyllgor yn fodlon, yn sgil ystyried natur y materion a oedd wedi'u datgelu, fod atal y drwydded yn ymateb cymesur i'r materion hynny.

9. DIRPRWYO AWDURDOD I SWYDDOGION

Yn unol â chofnod 6 o'r cyfarfod a oedd wedi'i gynnal ar 19^{eg} Mai 2016 bu'r Pwyllgor yn ystyried adroddiad a oedd yn ceisio dirprwyo awdurdod i swyddogion brosesu ceisiadau gan bobl dros 70 oed a cheisiadau am eithrio pobl o Amod 5a a 5b o Amodau Trwyddedu y Cyngor ar gyfer Cerbydau Hurio Preifat.

PENDERFYNWYD YN UNFRYDOL fod awdurdod dirprwyedig yn cael ei ganiatáu i swyddogion roi'r trwyddedau canlynol:-

- Yn achos ymgeiswyr dros 70 oed sydd wedi darparu Tystysgrif

Feddygol yn cadarnhau eu bod yn iach i yrru cerbyd hacnai/cerbyd hurio preifat;

- Yn achos ymgeiswyr sydd wedi llunio achos busnes yn flaenorol ac wedi ymddangos gerbron y Pwyllgor Trwyddedu i ofyn am gael eu heithrio o Amod 5a a 5b o Amodau Trwyddedu y Cyngor ar gyfer Cerbydau Hurio Preifat.

10. AELODAETH YR IS-BWYLLGORAU TRWYDDEDU AM FLWYDDYN Y CYNGOR 2016/17

Bu'r Pwyllgor yn ystyried adroddiad a roddai fanylion aelodaeth arfaethedig yr Is-bwyllgorau Trwyddedu ar gyfer blwyddyn y cyngor 2016/17.

PENDERFYNWYD YN UNFRYDOL y byddai aelodaeth yr Is-bwyllgorau Trwyddedu ar gyfer blwyddyn y cyngor 2016/17 fel a ganlyn:-

Is-bwyllgor Trwyddedu "A"

Y Cynghorwyr P.M. Edwards, H.I. Jones, J. Thomas, M.K. Thomas a D.E. Williams.

Is-bwyllgor Trwyddedu "B"

Y Cynghorydd A. Davies, T. Bowen, P.E.M. Jones, T. Theophilus a J.S. Williams.

Is-bwyllgor Trwyddedu "C"

Y Cynghorwyr J.M. Charles, T. Davies, J.K. Howell, I.J. Jackson a D.J.R. Llewellyn.

11. PENODI CADEIRYDDION YR IS-BWYLLGORAU TRWYDDEDU AR GYFER Y FLWYDDYN DDINESIG 2016/17

Bu'r Pwyllgor yn ystyried yr enwebiadau a oedd wedi dod i law ar gyfer penodi Cadeiryddion yr Is-bwyllgorau Trwyddedu ar gyfer blwyddyn y cyngor 2016/17.

PENDERFYNWYD YN UNFRYDOL

Bod y Cynghorydd H.I. Jones yn cael ei benodi'n Gadeirydd Is-bwyllgor Trwyddedu "A" am flwyddyn y cyngor 2016/17;

Bod y Cynghorydd A. Davies yn cael ei benodi'n Gadeirydd Is-bwyllgor Trwyddedu "B" am flwyddyn y cyngor 2016/17;

Bod y Cynghorydd T. Davies yn cael ei benodi'n Gadeirydd Is-bwyllgor Trwyddedu "C" am flwyddyn y cyngor 2016/17.

12. COFNODION YR IS-BWYLLGORAU TRWYDDEDU

PENDERFYNWYD YN UNFRYDOL Iofnodi cofnodion cyfarfodydd yr Is-bwyllgor Trwyddedu oedd wedi eu cynnal ar y dyddiadau canlynol gan eu bod yn gywir:-

12.1 Is-bwyllgor Trwyddedu "A" oedd wedi'i gynnal ar 26^{ain} Ebrill, 2016;

12.2 Is-bwyllgor Trwyddedu "B" oedd wedi'i gynnal ar 5^{ed} Mai, 2016;

12.3 Is-bwyllgor Trwyddedu "C" oedd wedi'i gynnal ar 5^{ed} Ebrill 2016.

13. COFNODION

PENDERFYNWYD YN UNFRYDOL Iofnodi cofnodion cyfarfod y Pwyllgor Trwyddedu a oedd wedi'i gynnal ar 19^{eg} Mai 2016 yn gofnod cywir.

CADEIRYDD

DYDDIAD